



UNIVERSITÄTS-
BIBLIOTHEK
PADERBORN

Concilia Provincialia Mediolanensis Sex

Borromeo, Carlo

Venetiis, 1602

De Præfecto reformationis Tribunalis, Taxarum.

[urn:nbn:de:hbz:466:1-62072](https://nbn-resolving.org/urn:nbn:de:hbz:466:1-62072)

tur, serueturque ad eiusdem Constitutionis praescriptum.

Quam item Constitutionem, seu taxam Iudicibus Synodalibus, & Conferuatoribus praescriptam, seruet etiam Ordinarius: nisi quibus in rebus consuetudine, decretis, vel Constitutionibus, taxisue Episcopali- bus, taxa minor ei seruanda proposita esset, quam omnino seruet.

6 Si Vicarius, iudexue ordinarius in causis ordinarijs, vel delegatis, aut Conferuator Regularium, & exemptorum quorumcumque suis in causis; aut iudex in Synodo deputatus pro causis commissarij, eorum- ue Notarij, aut ministri, quicumque contra praescriptum sanctionis il- lius Pontificiae quicquam commiserit, deliqueritue, cum eo, quicum- que sit ad praescriptum eiusdem Constitutionis agatur.

Aliqua alia specialia de Taxa, vide in Tit. de Cancell. & Not.

De Praefecto Reformationis Tribunalis & Taxarum.

S Y M M A R I V M.

- 1 Ecclesiasticus vir ab Episcopo quotannis deputandus, qui Tribuna- lis, & Taxae legibus exequendis praesit.
- 2 Praefectus is, quae ipso in officio gerendo, praeslet.



Piscopus singulis annis, aut secundo quoque an- no Ecclesiasticum virum decernat, qui certis il- lis legibus exequendis praesit; tum Prouinciali- bus, tum Episcopalibus, quae ad rectum fori Ec- clesiastici vsum, rectamque forensum causarum normam, tum ad certam taxae rationem, omnem que denique iudiciorum conformandam disci-

5. De Pre-
fecto Refor-
Trib. & Ta-
xar.

plinam pertinent.
2 Is, quicumque de omni eo genere sancita sunt, omni cautione vi- deat, vt ab ijs, quorum interest, plane seruentur, & in morem, quam dili- gentissime fieri potest, inducantur.

Causarum acta, & Codices item, in quos solutiones sigillatim relatae sunt, de improviso inspectet, quod facilius comperiat, si quid culpa in taxae praescriptae ratione contrahatur.

Si vero praerogatas cupiditate Cancellarius, Notariusue plus pecu-

nia, quàm præfinita taxæ ratio postulat, eiusque tabella ostendit, ab vilo vniquàm exegerit, id totum eidem restitui iubeat. Et verò qui in eo genere deliquerint pœnis etiam illos affici ab Episcopo, Vicariò procurer. Ad Episcopum præterea illorum nomina deferat, quos in illis excquendis, quæ sibi præscripta sunt, muneri suo deesse aliquo modo animaduertit.

De inferioribus fori Episcopalis Ministris, carceris Custodibus, & Reis.

S V M M A R I V M.

- 1 Carceris custodibus taxa præscribenda.
- 2 Carceri inclusi res, vbi seruanda, & quibus restituenda.
- 3 Carcerati singula hebdomada visitandi: & quid propterea curandum.
- 4 Deputandi qui miserabilium personarum patrocinium suscipiant.
- 5 Inferiores fori Episcopalis ministri quales sint; & à quibus abstinant.

1. De Carceris Custodib. & Re. s.



Rescribant Episcopi taxam executoribus, vel ministris, & carceris custodibus, vt ab ijs, qui capti, & in carcerem inclusi sunt, pro comprehensione, & carceris commoratione, & victu id tantummodò exigatur, quòd equitas, & ciborum precium postulet. Si qui carcere tenentur, sibi quæ ad victum pertinent, ab alijs, quàm à custodibus, & ministris carceris, suppeditari voluerint, id eis facere liceat: neque propterea asperius tractentur; aut in deteriora loca compellantur.

2 Mandent præterea, vt quacumque pecuniam, vestes, arma atque res secum habeant ijs, qui in carcere includuntur, tuto loco collocentur, & asseruentur, qui locus duabus claudatur clauibus, quarum altera apud ianitorem carceris sit, altera apud pauperum procuratorem.

Ex illis autem rebus, quæcumque & quotcumque sint, nihil vel ianitori, vel executori, vel ceteris ministris attingere liceat: sed eis, si inde exierint, vel eorum heredibus, vel illis, quibus à Iudice attributæ fuerunt, integre, & intacte asseruentur. Qui contra fecerit, duplo mulctetur, quæ multa ei, cui damnum datum sit, attribuatur.

Curent